



БОҶИЙ УМР ВА ГЎЗАЛЛИК ТИЛАЙМАН

Еру кўни ларзага солиб табиат уйғонмоқда. Бўсагадан фасллар келинчаги — баҳор ҳатлаб ўтди. Кўнгилларни ажиб шукухга тўлдирувчи кўнлаб табаррук айём — аёлларимиз байрами билан юз очмоқда.

Мунис ва оқилва опа-сингиллар!

Сиз ўзингиз учун шиддатли, нотинч, беором ва фохрли бир касбини танлагансиз. Баъзан йигитлар қаддини ҳам букадиган юкли касб — бу! Ҳаёт-мамонт дақиқалари ҳар қадамда учрайдиган машаққатли касб — бу! Аммо нафақат шафқат, балки адолат ҳиссига ҳам тўлиқ жасур юрагингиз Сизларни ўз оромидан кечириб, ўзгалар оромини сақлаш ишига чорлади. Бугун эгингизга милициянинг жанговар формасини кийиб, эркаклар билан бир сафда разиликнинг, нопокликнинг илдизига болта уриб келаяпсиз.

Ички ишлар идораларида посбонларимизга баҳоли қудрат елкадошлик қилаётган ана бир тоифа аёлларимиз бор.

Бугун барча аёл хизматдошларимизга қўлимни кўк-

симга қўйиб, куллук қиламан.

Лобар олажонлар, дилрабо сингиллар! Ушбу қутлуг байрам арафасида покиза шаънингизга айтилажак мадҳияларим битмас-туганмас. Энг муҳими Сизларга сўнмас гўзаллик ва боқий умр тилаб қоламан. Шунингдек, Сизлар орқали волидан муҳтарамларингиз, опа-сингилларингиз ва дугоналарингизга дилим тўридаги энг эзгу, энг бокира истакларни билдираман. Сизлар тиргаги ҳисобланган оилаларингиздан бахт ва қувонч асти аримасин.

Ички ишлар вазирлигида хизмат қилаётган йигитларимизга одатдан ташқари бир топширик бермоқчиманки, буни байрам омонати деб билсинлар. Улар ҳам бизнинг бисёр меҳр ва чексиз ҳурмат билан тўлиб-тошган қалб сузларимизни оилаларидаги опа-сингилларимизга етказишсин.

Байрамингиз қутлуг бўлсин, Ўзбекистон тўпрогининг зеболари!

Вячеслав КАМОЛОВ,
жумҳурият ички ишлар вазири, генерал-майор.



СУРАТДА: «Милиция аълоҳиси» Улфатхон Тожибоева. Ҳабибулла ШОДИЕВ олган сурат.

ҚАЛПОҚҚА ИШҚИ ТУШГАН ЙИГИТ

Калининград вилоятидан меҳмонга келган Т. Ворошкевич чирчилик дугонаси билан шахримизни айланиб, ер ости йўлининг Гафур Ғулом бекатига тушаётганида номаълум шахс томонидан қимматбаҳо мўйнали қалпоғи олиб қочилди. Ҳангу-манг қолган Татьянанинг тили калмага келмади. Шу бекатда соқчилик қилаётган оддий милиционер Б. Алиев унинг жонига оро кирди. Қўлида қалпоқ билан югуриб келаётган К. Қорабоевнинг йўлини тўсди. Пойтахт ўрта мактабларидан бирининг 11-синф ўқувчисини бундай нопокликка нима ундаган экан-а!

Таллин шаҳридан айланишга келган Т. Артемьеванинг қалпоғини кимдир бошидан юлқиб олиб қочганда, у ўзини йўқотиб қўймади. Ер ости темир йўлининг Навоий бекатида хизмат вазифасини ўтаётган А. Бекеевга зудлик билан мурожаат қилди. Милиционер ҳам вақтни қўлдан бой бермай енгил автомашинани тўхтатиб, талончи энга тушди. Қалпоқни 200 сўмга пуллашга улгуриб, хотиржам бораётган К. Сапаргалиев узоққа кетолмади. Қалпоқ эгаси уни дарров таниди.

З. БОЙЧИБОВ,
милиция подполковниги.

8 МАРТ — ХАЛҚАРО ХОТИН-ҚИЗЛАР
БАЙРАМИГА БАҒИШЛАНГАН САҲИФА БИЛАН
4-БЕТДА ТАНИШАСИЗ.

ЭЪТИҚОД ОМОН БЎЛСИН

Баъзан одамлар орасида милиционерлик яхши касб эмас, на юриш-туришингда, на еган-ичганинда ҳаловат бор, деган гапларни эшитиб қоламан. Ўйлаб қарасам, бу гапларни буткул нотўғрига чиқариб қўйиш инсофдан эмас.

Аслида Андижон вилоятининг Избоскан туманида таваллуд топганман. Ун йиллардан бери киндик қоним тўкилган юртдан айри яшайман. Оз эмас, кўп эмас 8 марта турар-жойимизни ўзгартиришга тўғри келибди. Яширмайман, ана шундай қийинчиликларни бошдан кечириётган бир даврда, ташла бу ишингни, асл касбинг — ҳисобчилик қилсанг кунинг ўтмай қоладими, деган панд-насихатларни ҳам эшитганман. Лекин нима қилай, милиционерликни жон-дилидан севсам. Агар эртақлардаги каби менга иккинчи марта умр берилганда ҳам барибир милиция соҳасини танлардим.

Ўрилларим саксонинчи ва тўққизинчи синфда ўқишпти. Улар ҳам менинг измидан боришмоқчи (мен фахрланаман, лекин аялари нороз бўлаяптида).

Хуллас, айтмоқчиманки, энг аввало киши кўксига имон, эътиқод омон бўлсин. Шунда муваффақият бир-бирини қувалаб келаверади.

Мисол учун туманимизда тартибузарликларнинг олдини олиш борасида арэнгулик ютуқларимиз йўқ эмас. Ўтган йили ялпи жиноятчилик 1989 йилга нисбатан 7 фо-

изга камайди. Оғир жиноятлар икки ярим бараварга, очилмай қолган жиноятлар эса 10 тага камайди. Бедарак йўқолган ва қидирувда бўлган 11 кишининг ҳаммаси топилди. Яна кўзга кўринарли муваффақиятимиз ҳақида айтадиган бўлсак, гап кўп. Қашқадарё вилояти ижроия кўмитаси чет элларда тайёрланган ва тақчил ҳисобланган молларни ҳудуддан ташқарига олиб чиқиб кетмаслик ҳақида қарор қабул қилган. Ана шу борада катта ишлар қилдик. Мингчирор қарорга бўйсунмаган шахслар қўлга олинди. 20 минг 218 сўмлик камёб моллар эса шаҳар матлубот жамиятига қарашли 19 ва 44-дўконлар орқали аҳолига очиқ-ойдин сотилди.

Ўтган йил ноябрь ойида эса Хайробод матлубот жамиятига қарашли 39-қундалик эҳтиёж моллари дўкони мудири Ислам Тошев кирди-корларини илпидан-игнасигача очиб ташлашга муваффақ бўлдик. Унинг уйидаги ертўла истеъмол бозорида энг тақчил ҳисобланган буюмлар билан лиқ тўла экан. Ҳар бир донаси 1 сўм 55 тийин турадиган 1330 та, 1 сўм 80 тийинлик 970 та, 1 сўм 30 тийинлик 560 та, 98 тийинлик 700 та, 90 ти-

йинлик 180 та, 85 тийинлик 340 та косалар, ҳар бир донаси 3 сўм 60 тийинлик 204 та, 3 сўм 20 тийинлик 32 та чойнак, ҳар бир донаси 62 тийинлик 1140 та, 56 тийинлик 55 та, 27 тийинлик 60 та, 35 тийинлик 120 та, 53 тийинлик 40 та, 30 тийинлик 30 донна пиёла, ҳар бир донаси 1 сўмлик 13 та чинни товоқ, ҳар бир йиғмаси 40 сўмлик 30 та «Би-нафша» сервиси яшириб қўйилган экан.

Шу йил 16 январь куни эса БХСС ходими, милиция майори Азамат Шарипов жамоатчилик вакиллари билан ҳамкорликда Китоб шаҳар матлубот жамиятига қарашли «Болалар дунёси» дўкони мудири Шарофиддин Раҳмоновнинг гаразли мақсадини йўққа чиқарди.

Дўкон омборхонасида тинтув ўтказиш чоғида кичкинтойларнинг 27 минг 905 сўмлик иссиқ кийим-кечаклари яшириб қўйилган жойидан топиб олинди.

Мен бу билан ишларимиз зўр, ҳар қандай кўринишдаги жиноятлар эътиборимиздан четда қолмапти, демоқчи эмасман. Бу борада муаммолар, қайсики тез ҳал қилиниши лозим бўлган масалалар талайгина. Буларнинг ичида энг муҳими моддий-техника базамизнинг ўта ночорлиги. Ички ишлар бў-

лимимиз мослаштирилган мактаб биносида жойлашган, лекин бунга айтмасам ҳам бўлади. Негаки, бу масала деярли ҳал этилди, маблағ ажратилган, лойиҳаси ҳам тайёр, янги бино қуриб олинди. Лекин жамоамизнинг замонавий техника билан таъминланиш даражасига чидаб бўлмайди. ИИБ бўйича атиги биттагина яроқли автомашина бор. Воқеа содир бўлган жойга боришда, жиноятчини қидиришда, ҳибсга олинганларни ташиб келтиришда ходимларимизнинг шахсий машиналаридан фойдаланишга тўғри келаяпти. Лекин икки йилдан бери туман ИИБдан бирор киши ҳам ижроқўм томонидан автомашина у ёнда турсин, баллон ёки бирор эҳтиёт қисм олган эмас.

Тўғри, тумандаги хўжаликлар ва баъзи шаҳар ташкилотлари ҳисобидан 8 нафар участка вакили ва 8 нафар ДАН ходимлари ишга олинди. Лекин айрим ташкилотлар бу ташаббусни қўлаб-қувватламади. Ваҳоланки, Россияда, ҳатто жумҳуриятимизнинг бошқа вилоятларида хўжалик ва ташкилотлар ҳисобидан ички ишлар бўлиmlарига ўнлаб автомашина, компьютерлар, зирҳли камзуллар, юзлаб штатлар олинмоқда.

Иккинчидан, Р. Эмерсон айтгандек, номаъқул қонунчилик қумдан тўқилган арқонга ўхшайди, уни эшмоқчи бўлсанг, сочилиб кетади. Айтмоқчиманки, бизнинг қонунларимиз мукаммал эмас.

Мисол учун ЖМнинг 208-моддасига назар ташлайлик. Ҳайдовчи автофалокат содир этса, уч йилгача озодликдан маҳрум этилади, ёки бир йилгача муддатга ахлоқ тузатиш иши билан, ёки 100 сўмгача жарима солиш билан жазоланади.

91-моддада кўрсатилишича эса қасддан баданга енгил шикаст етказган шахс уч ойдан бир йилгача муддатга ахлоқ тузатиш иши ёки 50 сўмгача жарима солиш ёхуд жамоат иззаси бериш билан жазоланади. Уша ҳаракатлар жабрланувчининг соғлиғи бузилишига сабаб бўлса, икки йилгача муддатга озодликдан маҳрум қилиш ёки олти ойдан бир йилгача муддатга ахлоқ тузатиш иши билан жазоланади. Демак, шундай ҳулоса келиб чиқадими, тасодифан автофалокат содир этиш қасддан бировга зарар етказишдан оғирроқ гуноҳ ҳисобланади. Шахсан мен бу моддалар билан келиша олмайман.

Умуман айтганда, бу каби муаммолар келгусида аста-секинлик билан барҳам топшишга ишонаман.

Абдумуталиб ЭРҒАШЕВ,
Китоб тумани ИИБ бошлиғи, милиция подполковниги.

